


Grupa 4: Beginners

Paterni ponašanja

1.STRATEGY PATTERN

Strategy pattern izdvaja algoritam iz matične klase i uključuje ga u posebne klase, te kako bi se omogućila brza i jednostavna promjena implementacije koja se želi koristiti u bilo kojem trenutku. Na ovaj način omogućava se i jednostavno brisanje ili dodavanje novog algoritma koji se može koristiti po želji. Podržava open-closed princip.

Ovaj pattern možemo lako iskoristiti u našem sistemu pri filtriranju vježbi. Potrebno je uvesti klasu Filter koja bi bila Context klasa te napraviti interfejs IFiltriranje iz kojeg bi naslijedili različite vrste filtriranja, npr. za vježbe SerijaFilter, PonavljanjeFilter, LevelFilter.



2.STATE PATTERN

State pattern mijenja način ponašanja objekata na osnovu trenutnog stanja. On omogućava objektu da mijenja svoja stanja, od kojih zavisi njegovo ponašanje. Sa promjenom stanja objekat se počinje ponašati kao da je promijenio klasu. Stanja se ne mijenjaju po želji klijenta, već automatski, kada se za to steknu uslovi. State Pattern je dinamička verzija Strategy patterna. Postiže se promjenom podklase unutar hijerarhije klasa. Podržava open-closed princip.

U našem sistemu bi se ovaj pattern mogao iskoristiti na način da proširimo sistem mogućnostima da korisnik dobije vježbe za mršavljenje, debljanje ili održavanje kondicije u zavisnosti od korisnikove kilaže automatski. U tom slučaju bi nam trebao interfejs **IState** koji određuje koje vježbe će biti prikazane i njega bi dodali u **ProgramVježbanjaController**. Trebala bi nam i nova klasa koja bi implementirala taj interfejs i sadržavala metode koje prikazuju odgovarajuće vježbe.

3.TEMPLATE METHOD PATTERN

Grupa 4: Beginners

Template Method pattern omogućava algoritmima da izdvoje pojedine korake u podklase. Omogućavaju se izmjene ponašanja u jednom ili više dijelova. Najčešće se primjenjuje kada se za neki kompleksni algoritam uvijek trebaju izvršiti isti koraci, ali pojedinačne korake moguće je izvršiti na različite načine. Struktura algoritma se ne mijenja a mali dijelovi operacija se izdvajaju i ti se dijelovi mogu implementirati različito.

U našem sistemu bi se ovaj pattern mogao iskoristiti ukoliko bi u budućnosti odlučili dodati pored običnih korisnika i VIP korisnike. U tom slučaju bi većina funkcionalnosti bile iste za obe vrste korisnika dok bi implementacija nekih određenih funkcionalnosti ovisila od vrste korisnika. Takve funkcionalnosti bi mogle biti recimo da obični korisnici imaju pristup osnovnom skupu vježbi, a VIP korisnici bi imali pristup kako osnovnom skupu tako i skupu u kojem se nalazi nekoliko VIP vježbi. Na ovaj način se smanjuje potreba za dupliciranjem koda.

4.OBSERVER PATTERN

Observer pattern uspostavlja relaciju između objekata tako da kada jedan objekat promijeni stanje, drugi zainteresirani objekti se obavještavaju.


U našem sistemu bi se mogao iskoristiti u slučaju da želimo, na primjer, da se korisnik može prijaviti da dobija obavijesti putem mail-a kada se doda novi program vježbanja koji odgovara njegovim informacijama i zahtjevima iz profila. Tada je potrebno dodati IObserver interfejs kojeg bi implementirala Observer klasa, u našem slučaju to je Korisnik, a klasa ProgramVježbanja bi mijenjala stanje i obavještavala Observer klasu.

5.ITERATOR PATTERN

Iterator pattern omogućava sekvencijalni pristup elementima kolekcije bez poznavanja kako je kolekcija strukturirana.

Ovaj pattern možemo iskoristiti za prolazak kroz listu članova sadržanu unutar klase ProgramVježbanja. U tu svrhu, potrebno je kreirati klasu Iterator koji će implementirati interface IIterator. Ova klasa će kao atribut imati listu tipa Korisnik i indeks trenutnog elementa. Pored toga, ova klasa će implementirati metode getNext() i hasMore() interface-a IIterator. Metoda hasMore() će porediti vrijednost trenutnog indeksa sa veličinom kolekcije koju sadrži kao atribut, te ako je trenutni indeks manji od veličine kolekcije vraća vrijednost true, dok u suprotnom vraća false. Metoda getNext() uvećava vrijednost trenutnog indeksa, te kao rezultat vraćati objekat tipa Korisnik koji predstavlja sljedeći element u listi. Klasa ProgramVježbanja mora implementirati interface IterableCollection, i njenu metodu createIterator() unutar koja kao rezultat vraća novokreirani objekat tipa Iterator (kreiran pozivom metode new Iterator(prijavljeniClanovi, 0)). Potrebno je i da klasa ProgramVježbanja ima atribut tipa Iterator unutar kojeg će čuvati rezultat metode createIterator().

Grupa 4: Beginners



6. CHAIN OF RESPONSIBILITY PATTERN

Chain of responsibility pattern namijenjen je kako bi se jedan kompleksni proces obrade razdvojio na način da više objekata na različite načine procesiraju primljene podatke.

Ovaj pattern bi se mogao iskoristiti u našem sistemu ukoliko bi dodatno omogućili korisniku da prilikom popunjavanja svog profila u svrhu generisanja programa vježbanja može odabrati one podatke i zahtjeve koji su mu prioritetni da vježbe u generisanom programu sadrže. Tada bi kreirali interfejs `IHandler` sa metodom koja prosljeđuje zahtjeve za obradu po redu prioriteta određenih od strane korisnika. Potrebno bi bilo dodati nove klase kao handlere koje bi obrađivale zahtjeve filtriranja i svaka bi vršila onaj dio obrade za koji je zadužena. Interfejs bi nasljeđivala klasa `ProgramFilter` a nju bi nasljeđivale klase handleri i ta bi klasa sadržavala listu programa i trenutni program koji se obrađuje.

7. MEDIATOR PATTERN

Mediator pattern namijenjen je za smanjenje broja veza između objekata. Umjesto direktnog međusobnog povezivanja velikog broja objekata, objekti se povezuju sa međubjektom medijatorom, koji je zadužen za njihovu komunikaciju. Kada neki objekt želi poslati poruku drugom objektu, on

Grupa 4: Beginners

šalje poruku medijatoru, a medijator prosljeđuje tu poruku namijenjenom objektu ukoliko je isto dozvoljeno.

Budući da u našem sistemu nema kompleksnijih veza ovaj pattern trenutno nije moguće iskoristiti, ali ukoliko bismo odlučili nadograditi sistem na način da je korisnicima omogućeno da ostavljaju ocjene ili komentare na vježbe koje bi ostali korisnici kao i administratori mogli vidjeti, tu bi ovaj pattern pronašao svoju ulogu. Tada bi se komentari slali klasi Komentar koja bi igrala ulogu Mediator klase, te bi se logika razmjenjivanja komentara izdvojila u poseban interfejs kojeg bi kao atribut imale klase koje ostavljaju komentare, u našem slučaju Korisnik.